



Sezoen 2013 -2014 nó: 2

Pregram Jubbelei-weekend

Van vriedig 31 jannewari pès zóndig 2 fibberwari hawte de jubbeleierende Marotte hun Jubbelei-weekend.

Vriedigaovend wurd aafgetrap mit eine **Vastelaovesproms** mit de Phil en de Sint Joep. Zie kriege hiebie mitwirking van o.a. Beppy Kraft en Frans Pollux (Neet oet Lottum).

Zaoterdigmiddig is 't vanaaf 13.00 oer de beurt aan de Kènjer mit **Telekids Disco**. 's Aoves is d'r dan eine richtige Kòlsje aovend ónger 't motto; **Kòlsje Teun, Zitterd dreet door**. Zóndigs vanaaf 13.00 oer wurd aafgesjlaote mit **Vastelaovend same!** Eine Vastelaoveskirmes veur jóngk en awd en de Marotte Jubbelei-resepse.

Kaarte zeen te kriege;

- Digitaal via Tixx, zee hievoor de link oppe website www.marotte.nl,
- In de Marottewinkel, zee hiej ónger.



Marottewinkel is weier aope

Mit 't 111-jaorig besjtaon van De Marotte in 't seizoen 1992/1993 woort in de slechterie van Kleijnen oppe Brandj de eesjte Marottewinkel ingerich. Mit 't volgend jubbelei, het 11 x 11 fees in 2002/2003 woort dit veurbeeld gevolg in 't pand van Ger. Pfenning's ouch oppe Brandj. Saer 2003 is d'r jaarliks eine Marottewinkel, de lèste jaore bie van Neer-Eyckeler alweier oppe Brandj.

De Marottewinkel is dit jaor aope pès zaoterdig 1 maart oppe dónderdig tóssje 10.00 – 14.00 oere, oppe zaoterdig tóssje 10.00 – 17.00 oere en op eine kouwzóndig tóssje 12.00 – 17.00 oere.

Veur kaarte van alle vastelaovesevenemènte, veur alle vastelaovespròlle, veur de nuuj cd en veur de nuuje kroniek. Dit is ech eine tip veur ein Sinterklaos of Kris-kedoo.

Teegelkesaksie Optochhal wurd wiejer gezat.


De Optochhal is de boewplaatsj van de pès wied boete Zitterd bekènde waages. Ze geef de waageboewende buurte en vereeniging de kans om hunne waage te boewe. Noe is dees hal óngerhandj ouch al 25 jaor awd en dat geef toch de neudige kòste aan óngerhawd. Daoveur is in 2010 mit sukses de Teegelkesaksie gesjart.

Help os mit, sjrief uch in es donateur van ein teegelke en laot dao eure eige sjpreuk en naam opzette. De teegelkes zeen alleneij opgehange in de Heksesjans, wo ze door jederein te bewónjere zeen. Veur mèr € 2,50 per maandj, (oftewaal € 30,- per jaor), boewt geer mit, aan 't behawd van de Optochhal, die ónmisbaar is veur óze grote Zittesje vastelaovesoptoch.

Jedere donateur is jaarliks wilkom op "Teegelkes-Zaoterdig", dit is altied op vastelaoveszaoterdig tóssje 13.00 en 16.00 oere oppe Heksesjans. Óntvangs mit kaffe en nónnevot. De teegelkes kènne dan waere bewónjert.

Höb geer belangsjtèlling veur ein teegelke mail dan nao info@optoch.nl





Zengesj van 't wënnende leidje 'Zitterd dreet door' v.l.n.r.: Jan van Daal, Maïke Frenken en Ron Hunnekens

25e Marotte cd: 'Zitterd dreet door'

Greutsj haet de Meziëkkemisse oppe Äöpening van 't Seizoen de nuuj Marotte cd geprizzenteierd, de viefentwintigste alweier. Tradisjoneel sjtaon dao natuurlik de veier wënnende Leidjes van 't Zittesj Vastelaoves Leidjes Konkoe op, wovan 't wënnende leidje Zitterd dreet door van Reinhard Wind ouch de naam aan de cd gouf.

Ouch dit weier ein kënjerleidje mit es tittel " 't raegent sjlók" gesjreve door Guus Steinen en oetgevuert door basissjool 'Aan de Meule'.

De medley is dit jaor samegesjtèld oet leidjes van Math Niël zeliger. Jaorelangk de grote kartrèkker van de Meziëkkemisse. Wiejer nog twee kedoo's van de jubbeleierende Marotte, namelijk eine mix van DJ Leopold mit de vastelaovesleidjes oet de lèste 11-jaor en ein nuuj opname van 't Marottevolksleid "Hoog 't Rood Gael Gruin" door Hermenie Sint Joseph. Deze Marottemarsj waar de Jubbelei-marsj van 't 4 x 11 jaorig besjtaon van De Marotte in 't seizoen 1926 – 1927.

Dit is netuurlik 't ideaal kedoo veur in de sjoon of ónger d'n krisboom.

Dees cd is te koup veur mèr € 12,95 in de Marottewinkel, oppe webshop van De Marotte (www.shop.marotte.nl) of bie de volgende Zittesje verkouppunte: Kafee de Kup, Kafee 't Sjerfhoes, Kafee Ich en Dich, Kafee Der Gulden Haen, Wollstreet, Fotografie Ton Dirx, Eveline Mode en Van Neer Eyckeler Mode.



Marotte-Kènjerleidje in finale K.V.L.

't Marotte-kènjerleidje " 't raegent sjlók" gesjreve door Guus Steinen en oetgevuert door Basissjool 'Aan de Meule' haet zich geplaatsj veur de finale van 't K.V.L., zègk mèr 't L.V.K. veur kènjer.

De finale wurd gehawte op 9 fibberwari 2014 in Reuver.

Veur wunsje de basissjool 'Aan de Meule' alvas vööl sukses.



Thema Galabal: Riddesj en Jónkvrouwe

Op 15 fibberwari e.k. wurd de Zittesje Sjtadssjouwborg omgeboewd pès ein middeleeuws bolwirk; waapegekletter, baniere, sjtaeksjepele, riddesj, jónkvrouwe, minstreele, de reuk van verkès aan 't sjpit. Dit wurd de sjefer van 't Gala Prinsebal 2014.

Daoboave-op es geer gewènd zeet geweldige bands, ammezaase, goud aete en drénke. En dat alles veur d'n all-in pries van € 77,-. Sjissjaal veur de Feesdaag zeen d'r kedoobónne mit eine sjitterende omsjlaag. De veurverkoup is en de kedoobónne zeen verkriegbaar bie Brasserie Eigewies in de Meulebaeksjtraot en in de Marottewinkel. Meer infermase:

www.galabal.nl



Priesvraag "Hemel op aarde"

De wënnere van de priesvraag oet de vörige Nuutsbreif is gewoore d'n heer Jos Hendrixx. De pries is ein set van twee vriekaarte veur de film "Hemel op aarde" in sinema Foroxity in Zitterd. De sikkertaris van de Marotte zal kontak mit uch opnumme.

En veer mage nog ens ein set van twee vriekaarte veur de film "Hemel op aarde" bie Foroxity weggave. Gaef antwoord oppe vraag: wievööl vorste höbbe de Marotte in hun 12 x 11- jaor besjtaon gehad. Insjikke nao info@marotte.nl oet de gouw inzendinge trèkke veur de wënnere.

Meer infermase: www.marotte.nl



<http://www.facebook.com/DeMarotteZitterd>



http://twitter.com/marotte_zitterd